

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-1420/13  
Sarajevo, 16.12.2013. godine

## Z A P I S N I K

### 19. SJEDNICE DOMA NARODA PARLAMENTA FEDERACIJE BOSNE I HERCEGOVINE, održane 16.12.2013. godine

Sjednica je počela u 11.25.

Sjednici je predsjedavao Radoje Vidović, predsjedavajući Doma naroda Parlamenta Federacije BiH.

Predsjedavajući je pozdravio delegate, predstavnike Vlade Federacije, Nasira Beganovića, predsjednika Zakonodavno-pravne komisije Predstavničkog doma Parlamenta Federacije Bosne i Hercegovine, predstavnike akreditiranih medijskih kuća koji prate rad sjednice i goste.

Izostanak sa sjednice su opravdali Daliborka Milović, Mira Jurić i Dževad Rađo.

Na osnovu evidencije Stručne službe, predsjedavajući je konstatovao da sjednici prisustvuju 33 delegata, što čini većinu, te Dom naroda može raditi i punovažno odlučivati.

Nakon toga, predsjedavajući je stavio na glasanje zapisnike 17. i 18. vanredne sjednice i 18. sjednice Doma naroda i konstatovao da je:

- Dom naroda Parlamenta Federacije Bosne i Hercegovine, bez primjedbi (37 glasova za i dva uzdržana glasa), usvojio Zapisnik 17. vanredne sjednice Doma naroda, održane 14.11.2013. godine;

- Dom naroda Parlamenta Federacije Bosne i Hercegovine, bez primjedbi (38 glasova za), usvojio Zapisnik 18. vanredne sjednice Doma naroda, održane 22.11.2013. godine;

- Dom naroda Parlamenta Federacije Bosne i Hercegovine, bez primjedbi (35 glasova za), usvojio Zapisnik 18. sjednice Doma naroda, održane 24.10. i 14.11.2013. godine.

Predsjedavajući je podsjetio delegate da na osnovu člana 104. Poslovnika o radu Doma naroda mogu postavljati delegatska pitanja i pokretati inicijative, te izraziti nezadovoljstvo dobijenim odgovorom.

#### **Delegatska pitanja i inicijative**

**Esed Radeljaš** izrazio je nezadovoljstvo dobijenim odgovorom na pitanje vezano uz asfaltiranje puta Ustikolina - Grebak - Sarajevo. Izjavio je

da je u odgovoru navedeno da je riječ o lokalnom putu, ali da je Zakonom o cestama Federacije Bosne i Hercegovine ovaj put proglašen magistralnim putem, te zatražio da se u finansijskom planu Direkcije za ceste Federacije Bosne i Hercegovine za 2014. godinu osiguraju sredstva za asfaltiranje 13 km na ovom magistralnom putu.

Također, pitao je da li je zakonito ukidanje prava na penzije braniteljima ukoliko je Ustavni sud Federacije zauzeo suprotan stav u vezi sa ovim pitanjem i da li Zavod penzijskog i invalidskog osiguranja radi po nalogu Ministarstva ili po odluci Ustavnog suda.

**Amir Zukić** izrazio je nezadovoljstvo dobijenim odgovorom na pitanje u vezi sa menadžerskim ugovorima i ponovo zatražio od nadležnih ministarstava odgovor na pitanje koji rukovodioci ustanova iz oblasti finansija i zdravstva imaju menadžerske ugovore i koji je njihov iznos.

Pokrenuo je inicijativu da se ukine dvostruko oporezivanje osoba koje se bave poljoprivrednom djelatnošću uzgoja brojlera pilića.

**Josip Perić** izrazio je nezadovoljstvo jer na većinu postavljenih pitanja nije dobio odgovore, posebno od Federalnog ministarstva boraca i invalida odbrambeno-oslobodilačkog rata. Također, nezadovoljan je odgovorima na pitanje u vezi sa poslovanjem Razvojne banke Federacije Bosne i Hercegovine i upitao je premijera Federacije da li je poslovanje ove banke zakonito, te ko je, kako i pod kojim uvjetima dobio kredit od Razvojne banke.

**Zoran Jovanović** izjavio je da je federalni ministar obrazovanja i nauke proveo njegovu inicijativu i dostavio sve zapisnike sa provedenih javnih rasprava, te mu zahvalio na tome.

Postavio je pitanje Federalnom ministarstvu energije, rudarstva i industrije u vezi sa obračunavanjem kamate koju samostalno obavlja Javno preduzeće Elektroprivreda Bosne i Hercegovine na neplaćeni dug.

Pokrenuo je dvije inicijative.

Prvom inicijativom zatražio je izmjenu Pravilnika o bližim uvjetima u pogledu prostora, opreme, kadra i kriterija za obavljanje apotekarske djelatnosti u svim organizacionim oblicima kao načina u postupku njihove verifikacije.

Drugom inicijativom predložio je da Parlamentarna skupština Bosne i Hercegovine odloži donošenje Zakona o zaštiti i dobrobiti životinja koji se tiče eutanazije pasa lualica.

**Ivo Divković** postavio je pitanje Federalnom ministarstvu energije, rudarstva i industrije u vezi sa pripremom odluke za Vladu Federacije o trajnom prijenosu prava korištenja i upravljanja na nekretninama, poslovnim zgradama ili izgrađenom zemljištu u okviru kompleksa bivšeg rudnika Lipnica u općini Tuzla.

**Stipo Pelivan** postavio je dva delegatska pitanja.

Prvo pitanje uputio je Vladi Federacije kojim traži od Vlade da dostavi pregled izdvojenih novčanih sredstava od GSM licenci raspoređenih po kantonima u protekle tri godine.

Drugo pitanje također je uputio Vladi Federacije a odnosi se na projekte finansirane iz sredstava GSM licenci u Kantonu 10.

**Elvira Abdić-Jelenović** postavila je dva pitanja.

Pitanje je uputila Klubu delegata srpskog naroda u Domu naroda Parlamenta Federacije Bosne i Hercegovine - da li je srpski narod u Federaciji Bosne i Hercegovine ugrožen budući da dosada nije izabran potpredsjedavajući Doma naroda iz reda srpskog naroda.

Drugo pitanje je postavila Vladi Federacije u vezi sa efektima koji su se postigli donošenjem Zakona o načinu ostvarivanja ušteta u Federaciji Bosne i Hercegovini, da li će Vlada Federacije ići na povećanje ušteta, te kako su se uštete odrazile na socijalnu sliku u Federaciji.

**Senahid Šaković** je postavio dva pitanja.

Prvo pitanje je postavio Federalnom ministarstvu finansija i Poreskoj upravi Federacije u vezi sa obračunatim i uplaćenim doprinosima za penzijsko i zdravstveno osiguranje u periodu od 01.01. do 31.10.2013. godine po mjesecima i koliko po grupama djelatnosti iznosi osnovica za obračun uplaćenih doprinosa za navedeni period. Upitao je koliki je broj zaposlenih za koje se obračunavaju i uplaćuju doprinosi po grupama djelatnosti, te koliki je broj za koje se ne uplaćuju doprinosi.

Drugo pitanje je postavio Poreskoj upravi Federacije u vezi sa preuzetim i realiziranim hipotekama od privrednih subjekata na osnovu neuplaćenih doprinosa, te kada su nastale te hipoteke.

**Ivo Tadić** pokrenuo je inicijativu da Kolegij Doma naroda uputi dopis Vladi Federacije kojim bi se zatražilo obavezno prisustvo ministara sjednicama Doma naroda.

**Ivan Brigić** postavio je pitanje da li je formirano vijeće za zaštitu vitalnog interesa pri Ustavnom sudu Federacije Bosne i Hercegovine.

Nakon postavljenih delegatskih pitanja i inicijativa prešlo se na utvrđivanje dnevnog reda.

Predsjedavajući je podsjetio delegate da je Luka Faletar, delegat u Domu naroda Parlamenta Federacije Bosne i Hercegovine, podnio Prijedlog Zakona o izmjeni Zakona o federalnim jedinicima (kantonima) sa prijedlogom da se razmatra po hitnom postupku. Kolegij Doma naroda je predložio da se izjašnjenje o Prijedlogu Zakona obavi kad Vlada Federacije o njemu dostavi mišljenje.

Na osnovu rezultata glasanja, predsjedavajući je konstatovao da je Dom naroda:

- sa 35 glasova za i uz tri uzdržana glasa, prihvatio da se Prijedlog Zakona o izmjeni Zakona o federalnim jedinicima (kantonima) razmatra po hitnom postupku;
- sa 33 glasa za i uz tri uzdržana glasa, prihvatio da se Prijedlog Zakona o dopuni Zakona o korištenju obnovljivih izvora energije i efikasne kogeneracije razmatra po hitnom postupku;

- sa 36 glasova za i uz tri uzdržana glasa, prihvatio da se Prijedlog Zakona o izmjenama i dopunama Porodičnog zakona Federacije Bosne i Hercegovine razmatra po hitnom postupku;
- sa 37 glasova za i uz tri uzdržana glasa, prihvatio da se Prijedlog Zakona o amnestiji za nedopušteno držanje minsko-eksplozivnih sredstava i oružja u Federaciji Bosne i Hercegovine razmatra po hitnom postupku.

Predsjedavajući je podsjetio delegate da je Vlada Federacije dostavila Prijedlog Zakona o izmjenama i dopunama Zakona o udruženjima i fondacijama sa prijedlogom da se razmatra po hitnom postupku. Predstavnički dom Parlamenta Federacije razmatrao je Zakon u formi nacрта, pa je Kolegij Doma naroda predložio da i Dom naroda ovaj zakon razmatra u formi nacрта, što su delegati, sa 39 glasova za, uz jedan uzdržani glas i uz jedan glas protiv, prihvatili.

Predsjedavajući je podsjetio delegate da je na 18. sjednici Doma naroda odlučeno da se Prijedlog Strategije razvoja naučno-istraživačkog i istraživačko-razvojnog rada u Federaciji Bosne i Hercegovine za period 2012. – 2022. godina razmatra u formi nacрта, te da je skinut sa dnevnog reda zbog neprisustva predstavnika predlagača.

Predstavnik predlagača Aldin Međedović izjavio je da se ovaj nacrt revidira u skladu sa Zaključkom Predstavničkog doma i da su autori opravdano sprečeni prisustvovati današnjoj sjednici.

Predsjedavajući je zbog toga konstatovao da se ova tačka skida sa predloženog dnevnog reda.

Hajrudin Bećirović je predložio da se i izvještaji Visokog sudskog i tužilačkog vijeća Bosne i Hercegovine za 2011. i 2012. godinu skinu sa dnevnog reda ove sjednice zbog neprisustva predlagača.

Na osnovu rezultata glasanja, predsjedavajući je konstatovao da je Dom naroda, sa 38 glasova za i uz jedan uzdržani glas, prihvatio da se ove tačke skinu sa dnevnog reda, uz Zaključak koji je predložio Zoran Jovanović, a koji glasi:

## **ZAKLJUČAK**

Poziva se Visoko sudsko i tužilačko vijeće Bosne i Hercegovine da obavezno prisustvuje sjednicama Doma naroda na kojima će se razmatrati materijali dostavljeni od Vijeća.

Potom se prešlo na glasanje o dnevnom redu.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 37 glasova za i uz tri uzdržana glasa, usvojio sljedeći:

## DNEVNI RED

1. Usaglašavanje različito usvojenih tekstova zakona u oba doma Parlamenta Federacije Bosne i Hercegovine:
  - a) Prijedlog za rješenje spornih pitanja u Prijedlogu Zakona o zaštiti i postupanju sa djecom i maloljetnicima u krivičnom postupku,
  - b) Prijedlog za rješenje spornih pitanja u Prijedlogu Zakona o izmjenama i dopunama Zakona o osnivanju instituta za medicinsko vještačenje zdravstvenog stanja,
2. Prijedlog Autentičnog tumačenja člana 4. Zakona o plaćama i naknadama sudija i tužilaca u Federaciji Bosne i Hercegovine (predlagač: Zakonodavno-pravna komisija Predstavničkog doma Parlamenta Federacije Bosne i Hercegovine),
3. Prijedlog Zakona o izmjeni Zakona o federalnim jedinicima (kantonima) (predlagač: Luka Faletar, delegat u Domu naroda Parlamenta Federacije Bosne i Hercegovine) - hitni postupak,
4. Prijedlog Zakona o dopuni Zakona o korištenju obnovljivih izvora energije i efikasne kogeneracije - hitni postupak,
5. Prijedlog Zakona o izmjenama i dopunama Porodičnog zakona Federacije Bosne i Hercegovine - hitni postupak,
6. Prijedlog Zakona o amnestiji za nedopušteno držanje minsko-eksplozivnih sredstava i oružja u Federaciji Bosne i Hercegovine - hitni postupak,
7. Nacrt Zakona o izmjenama i dopunama Zakona o udruženjima i fondacijama,
8. Nacrt Regulacionog plana historijskog gradskog područja Počitelj za period 2008. – 2018. godina,
9. Prijedlog Odluke o utvrđivanju programa provođenja statističkih istraživanja od interesa za Federaciju Bosne i Hercegovine za period 2013. - 2016. godina,
10. Izvještaj o radu Nadzornog odbora Federalnog zavoda za penzijsko i invalidsko osiguranje za 2011. godinu,
11. Statut Zavoda za javno zdravstvo Federacije Bosne i Hercegovine,
12. Izbori i imenovanja:
  - a) Prijedlog Odluke o razrješenju predsjedavajućeg Doma naroda Parlamenta Federacije Bosne i Hercegovine,
  - b) Prijedlog Odluke o izboru predsjedavajućeg Doma naroda Parlamenta Federacije Bosne i Hercegovine,
  - c) Prijedlog Odluke o izboru potpredsjedavajućeg Doma naroda Parlamenta Federacije Bosne i Hercegovine.

1. **Usaglašavanje različito usvojenih tekstova zakona u oba doma Parlamenta Federacije Bosne i Hercegovine:**
  - a) **Prijedlog za rješenje spornih pitanja u Prijedlogu Zakona o zaštiti i postupanju sa djecom i maloljetnicima u krivičnom postupku**
  - b) **Prijedlog za rješenje spornih pitanja u Prijedlogu Zakona o izmjenama i dopunama Zakona o osnivanju instituta za medicinsko vještačenje zdravstvenog stanja**

Zajednička komisija za usaglašavanje različito usvojenih tekstova prijedloga zakona u domovima Parlamenta Federacije BiH je na 3. sjednici, održanoj 18.11.2013. godine, razmatrala radi usaglašavanja različito usvojene tekstove:

1. **Zakona o izmjenama i dopunama Zakona o osnivanju instituta za medicinsko vještačenje zdravstvenog stanja i**
2. **Zakona o zaštiti i postupanju sa djecom i maloljetnicima u krivičnom postupku.**

Na osnovu člana 199. Poslovnika Predstavničkog doma Parlamenta Federacije Bosne i Hercegovine i člana 195. Poslovnika o radu Doma naroda Parlamenta Federacije Bosne i Hercegovine, Zajednička komisija je jednoglasno utvrdila sljedeće:

### **PRIJEDLOGE RJEŠENJA SPORNOG PITANJA**

- a) **Zakon o izmjenama i dopunama Zakona o osnivanju instituta za medicinsko vještačenje zdravstvenog stanja**

Predstavnički dom Parlamenta Federacije Bosne i Hercegovine je na nastavku 20. redovne sjednice, održane 02.07.2013. godine, usvojio Prijedlog Zakona o izmjenama i dopunama Zakona o osnivanju instituta za medicinsko vještačenje zdravstvenog stanja u tekstu kako ga je predložila Vlada Federacije Bosne i Hercegovine.

Dom naroda Parlamenta Federacije Bosne i Hercegovine je na nastavku 16. sjednice od 25.07.2013. godine usvojio Prijedlog Zakona o izmjenama i dopunama Zakona o osnivanju instituta za medicinsko vještačenje zdravstvenog stanja sa amandmanom koji je predložila Zakonodavno-pravna komisija Doma naroda.

**Amandman glasi:**

**“Član 3. Prijedloga Zakona o izmjenama i dopunama Zakona o osnivanju instituta za medicinsko vještačenje zdravstvenog stanja se briše.”**

Prema tome, Prijedlog Zakona o izmjenama i dopunama Zakona o osnivanju instituta za medicinsko vještačenje zdravstvenog stanja usvojen

je u različitom tekstu u oba doma Parlamenta Federacije Bosne i Hercegovine, te ga je potrebno usaglasiti.

Predstavnički dom Parlamenta Federacije Bosne i Hercegovine na nastavku 22. redovne sjednice, održane 24.09.2013. godine, nije usvojio amandman Doma naroda koji se odnosi na član 3. Prijedloga Zakona o izmjenama i dopunama Zakona o osnivanju instituta za medicinsko vještačenje zdravstvenog stanja, te je upućen na razmatranje i usaglašavanje Zajedničkoj komisiji za usaglašavanje različito usvojenih tekstova zakona u domovima Parlamenta Federacije Bosne i Hercegovine.

### **KOMISIJA JE JEDNOGLASNO UTVRDILA PRIJEDLOG RJEŠENJA SPORNOG PITANJA**

**Prihvata se tekst Prijedloga Zakona o izmjenama i dopunama Zakona o osnivanju instituta za medicinsko vještačenje zdravstvenog stanja sa amandmanom Zakonodavno-pravne komisije Doma naroda Parlamenta Federacije Bosne i Hercegovine koji glasi:**

**“Član 3. Prijedloga Zakona o izmjenama i dopunama Zakona o osnivanju instituta za medicinsko vještačenje zdravstvenog stanja se briše.”**

#### **b) Zakon o zaštiti i postupanju sa djecom i maloljetnicima u krivičnom postupku**

Predstavnički dom Parlamenta Federacije Bosne i Hercegovine je na 17. redovnoj sjednici, održanoj 28.11.2012. godine, usvojio Prijedlog Zakona o zaštiti i postupanju sa djecom i maloljetnicima u krivičnom postupku sa osam amandmana koje je Vlada Federacije Bosne i Hercegovine prihvatila pa su postali sastavni dio Prijedloga Zakona i jednim amandmanom koji Vlada Federacije Bosne i Hercegovine nije prihvatila, ali ga je Predstavnički dom izglasao.

Dom naroda Parlamenta Federacije Bosne i Hercegovine je na nastavku 14. sjednice od 16.05.2013. godine usvojio Prijedlog Zakona o zaštiti i postupanju sa djecom i maloljetnicima u krivičnom postupku sa osam amandmana koje je Vlada Federacije prihvatila, pa su postali sastavni dio Prijedloga Zakona. Dom naroda je prihvatio ispravku tehničke pogreške koju je federalni ministar pravde dao na sjednici Predstavničkog doma, a to je da u članu 201. riječi: “do stupanja na snagu” treba zamijeniti riječima: “do početka primjene”.

Dom naroda nije usvojio amandman koji je Predstavnički dom izglasao, koji Vlada Federacije Bosne i Hercegovine nije prihvatila, a koji glasi:

**“U članu 51. u stavu (1) riječ: “pet” zamijeniti riječju: “10” tako da izmijenjeni član 51. stav (1) sada glasi:**

**“(1) Kazna maloljetničkog zatvora koja se izriče maloljetnom učiniocu krivičnog djela ne može biti duža od deset godina a izriče se na pune godine ili na mjesec”.**”

Predstavnički dom Parlamenta Federacije Bosne i Hercegovine na 20. sjednici, održanoj 25.06.2013. godine, nije odustao od svog amandmana koji se odnosi na član 51. stav 1. te je Prijedlog Zakona o zaštiti i postupanju sa djecom i maloljetnicima upućen Zajedničkoj komisiji za usaglašavanje različito usvojenih tekstova zakona u domovima Parlamenta Federacije Bosne i Hercegovine.

### **KOMISIJA JE JEDNOGLASNO UTVRDILA PRIJEDLOG RJEŠENJA SPORNOG PITANJA**

**Prihvata se tekst Prijedloga Zakona o zaštiti i postupanju sa djecom i maloljetnicima u krivičnom postupku sa amandmanom koji je usvojio Predstavnički dom Parlamenta Federacije Bosne i Hercegovine a koji glasi:**

**“U članu 51. u stavu (1) riječ: “pet” zamijeniti riječju: “10” tako da izmijenjeni član 51. stav (1) sada glasi:**

**“(1) Kazna maloljetničkog zatvora koja se izriče maloljetnom učiniocu krivičnog djela ne može biti duža od deset godina a izriče se na pune godine ili na mjesec”.**“

Izvještaj Komisije je obrazložio Jasenko Tufekčić, predsjednik Komisije.

#### **a) Zakon o izmjenama i dopunama Zakona o osnivanju instituta za medicinsko vještačenje zdravstvenog stanja**

Predsjedavajući Doma naroda je konstatovao da je Dom naroda Parlamenta Federacije Bosne i Hercegovine primio na znanje prijedlog za rješenje spornih pitanja u Zakonu o izmjenama i dopunama Zakona o osnivanju instituta za medicinsko vještačenje zdravstvenog stanja.

#### **b) Zakon o zaštiti i postupanju sa djecom i maloljetnicima u krivičnom postupku**

Sa 38 glasova za i uz dva uzdržana glasa, predsjedavajući je konstatovao da je Dom naroda Parlamenta Federacije Bosne i Hercegovine usvojio prijedlog za rješenje spornih pitanja u Zakonu o zaštiti i postupanju sa djecom i maloljetnicima u krivičnom postupku, tj. usvojio amandman Predstavničkog doma koji se odnosi na član 51. stav (1) Zakona.

Time je Zakon o zaštiti i postupanju sa djecom i maloljetnicima u krivičnom postupku usvojen u istovjetnom tekstu u oba doma Parlamenta Federacije Bosne i Hercegovine.

2. **Prijedlog autentičnog tumačenja člana 4. Zakona o plaćama i naknadama sudija i tužilaca u Federaciji Bosne i Hercegovine** (predlagač: Zakonodavno-pravna komisija Predstavničkog doma Parlamenta Federacije Bosne i Hercegovine)

Vlada Federacije dostavila je prijedlog za davanje autentičnog tumačenja člana 4. Zakona o plaćama i naknadama sudija i tužilaca u Federaciji Bosne i Hercegovine („Službene novine Federacije BiH“, br. 75/05, 22/09 i 55/13).

Predstavnički dom Parlamenta Federacije obavijestio je Dom naroda da je na nastavku 24. sjednice, održane 10.12.2013. godine, donio autentično tumačenje člana 4. Zakona o plaćama i naknadama sudija i tužilaca u Federaciji Bosne i Hercegovine („Službene novine Federacije BiH“, br. 75/05, 22/09 i 55/13), koje je utvrdila Zakonodavno-pravna komisija Predstavničkog doma Parlamenta Federacije Bosne i Hercegovine na osnovu podnesenog prijedloga Vlade Federacije, uz jezičku korekciju ministra Mikulića tako da tačka 1. Prijedloga Autentičnog tumačenja sada glasi:

„Na status stručnih saradnika imenovanih prije stupanja na snagu Zakona o izmjenama i dopunama Zakona o plaćama i drugim naknadama sudija i tužilaca u Federaciji Bosne i Hercegovine („Službene novine Federacije BiH“, br. 55/13) primijenjuju se odredbe člana 4. Zakona o plaćama i drugim naknadama sudija i tužilaca u Federaciji Bosne i Hercegovine („Službene novine FBiH“, br. 72/05, 22/09 i 55/13), te će se odluke o imenovanju stručnih saradnika koje se odnose na trajanje mandata uskladiti sa ovim tumačenjem.“

Prijedlog autentičnog tumačenja je obrazložio Nasir Beganović, predsjednik Zakonodavno-pravne komisije Predstavničkog doma Parlamenta Federacije Bosne i Hercegovine.

U ime Zakonodavno-pravne komisije Doma naroda Parlamenta Federacije Bosne i Hercegovine govorio je Jasenko Tufekčić, predsjednik Komisije.

U raspravi nije niko učestvovao.

Sa 36 glasova za i uz pet uzdržanih glasova, predsjedavajući je konstatovao da je Dom naroda Parlamenta Federacije Bosne i Hercegovine donio Autentično tumačenje člana 4. Zakona o plaćama i naknadama sudija i tužilaca u Federaciji Bosne i Hercegovine u tekstu kako ga je donio Predstavnički dom.

#### **AUTENTIČNO TUMAČENJE**

**člana 4. Zakona o plaćama i drugim naknadama sudija i tužilaca u Federaciji Bosne i Hercegovine**  
**(„Službene novine Federacije BiH“, br. 72/05, 22/09 i 55/13)**

1. Na status stručnih saradnika imenovanih prije stupanja na snagu Zakona o izmjenama i dopunama Zakona o plaćama i drugim naknadama sudija i tužilaca u Federaciji Bosne i Hercegovine („Službene novine Federacije BiH“, br. 55/13) primijenjuju se odredbe člana 4. Zakona o plaćama i drugim naknadama sudija i tužilaca u Federaciji Bosne i Hercegovine („Službene novine Federacije BiH“, br. 72/05, 22/09 i 55/13), te će se odluke o imenovanju stručnih saradnika, koje se odnose na trajanje mandata, uskladiti sa ovim tumačenjem.
2. Ovo će se autentično tumačenje objaviti u „Službenim novinama Federacije BiH“.

### **3. Prijedlog Zakona o izmjeni Zakona o federalnim jedinicima (kantonima) - hitni postupak**

Prijedlog Zakona utvrdio je Luka Faletar, delegat u Domu naroda Parlamenta Federacije Bosne i Hercegovine.

Prijedlog Zakona razmatrala su nadležna radna tijela i dostavila izvještaje.

Predsjedavajući je podsjetio delegate da će se rasprava i izjašnjenje o Prijedlogu Zakona obaviti kada Vlada Federacije dostavi mišljenje.

Prijedlog Zakona obrazložio je Luka Faletar.

### **4. Prijedlog Zakona o dopuni Zakona o korištenju obnovljivih izvora energije i efikasne kogeneracije - hitni postupak**

Prijedlog Zakona utvrdila je Vlada Federacije.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Erdal Trhulj, federalni ministar energije, rudarstva i industrije.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 35 glasova za, i uz tri uzdržana glasa, usvojio Prijedlog Zakona o dopuni Zakona o korištenju obnovljivih izvora energije i efikasne kogeneracije.

### **5. Prijedlog Zakona o izmjenama i dopunama Porodičnog zakona Federacije Bosne i Hercegovine - hitni postupak**

Prijedlog Zakona utvrdila je Vlada Federacije.

Predstavnički dom je na 23. sjednici, održanoj 29.10.2013. godine, usvojio Prijedlog Zakona sa dva amandmana koje je Predstavnički dom izglasao. Amandmani se odnose na čl. 2. i 43.

### **Amandmani glase:**

#### **Amandman I.**

U članu 2. kojim se mijenja član 45. dodaje se novi stav 2. koji glasi: „Zahtjev za posredovanje iz stava 1. ovog člana dužna su podnijeti oba bračna partnera u vrijeme trudnoće žene.“

Postojeći st. 2., 3. i 4. postaju st. 3., 4. i 5.

#### **Amandman II.**

Član 43. mijenja se i glasi:

„Bračni partneri nemaju pravo na tužbu za razvod braka za vrijeme trudnoće žene ili dok njihovo dijete ne navrši jednu godinu života, izuzev u slučajevima nasilja u porodici koji utvrđuje centar za socijalni rad, kao i u slučajevima sporazumnog raskida braka.“

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Zoran Mikulić, federalni ministar pravde.

Jasenko Tufekčić obrazložio je Izvještaj Zakonodavno-pravne komisije Doma naroda.

U raspravi nije niko učestvovao.

Predsjedavajući je stavio na glasanje amandmane koje je izglasao Predstavnički dom i konstatovao:

- Dom naroda Parlamenta Federacije Bosne i Hercegovine nije usvojio Amandman I. koji se odnosi na član 2. Prijedloga Zakona, jer su za glasala tri delegata, 28 delegata je bilo uzdržano, a pet delegata je bilo protiv;
- Dom naroda Parlamenta Federacije Bosne i Hercegovine nije usvojio Amandman II. koji se odnosi na član 43. Prijedloga Zakona, jer su za glasala četiri delegata, 29 delegata je bilo uzdržano, a sedam delegata je bilo protiv.

Nakon toga se glasalo o Prijedlogu Zakona.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 35 glasova za i uz četiri uzdržana glasa, usvojio Prijedlog Zakona o izmjenama i dopunama Porodičnog zakona Federacije Bosne i Hercegovine.

Prema tome, Prijedlog Zakona o izmjenama i dopunama Porodičnog zakona Federacije Bosne i Hercegovine usvojen je u različitom tekstu u oba doma Parlamenta Federacije Bosne i Hercegovine, pa ga je **potrebno usaglasiti.**

6. **Prijedlog Zakona o amnestiji za nedopušteno držanje minsko-eksplozivnih sredstava i oružja u Federaciji Bosne i Hercegovine**  
- hitni postupak

Prijedlog Zakona utvrdila je Vlada Federacije.

Predstavnički dom je na 23. sjednici, održanoj 30.10.2013. godine, usvojio Prijedlog Zakona sa tri amandmana koje je Predstavnički dom izglasao. Amandmani se odnose na čl. 4., 8. i 9. Prijedloga Zakona.

Amandmani glase:

**Amandman I.**

U članu 4. u stavu 3. briše se riječ: "svega".

**Amandman II.**

U članu 9. u stavu 2. riječ: "dvije" zamjenjuje se riječju: "jednu".

**Amandman III.**

U članu 8. u stavu 1. iza riječi: "osam" dodati riječ: "dana".

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Zoran Mikulić, federalni ministar pravde.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 34 glasa za i uz pet uzdržanih glasova, usvojio Prijedlog Zakona o amnestiji za nedopušteno držanje minsko-eksplozivnih sredstava i oružja u Federaciji Bosne i Hercegovine.

## **7. Nacrt Zakona o izmjenama i dopunama Zakona o udruženjima i fondacijama**

Zakon je u formi prijedloga utvrdila Vlada Federacije.

Predstavnički dom je na 23. sjednici od 30.10.2013. godine razmatrao Nacrt Zakona i Zaključkom ga prihvatio.

Nacrt Zakona razmatrala su nadležna radna tijela i dostavila izvještaje.

Nacrt Zakona obrazložio je Zoran Mikulić, federalni ministar pravde.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 37 glasova za i uz šest uzdržanih glasova, usvojio sljedeći:

## **ZAKLJUČAK**

Dom naroda Parlamenta Federacije Bosne i Hercegovine prihvata Nacrt Zakona o izmjenama i dopunama Zakona o udruženjima i fondacijama i smatra da može poslužiti kao osnov za izradu prijedloga Zakona.

## **8. Nacrt Regulacionog plana historijskog gradskog područja Počitelj za period 2008. – 2018. godina**

Nacrt Plana utvrdila je Vlada Federacije.

Predstavnički dom je na 24. sjednici od 13.11.2013. godine razmatrao Nacrt Plana i Zaključkom ga prihvatio. Tom prilikom Nacrt je stavljen na javnu raspravu.

Nacrt Plana razmatrala su nadležna radna tijela i dostavila izvještaje.

Nacrt Plana obrazložili su Desnica Radivojević, federalni ministar prostornog uređenja, i Vjekoslava Sanković-Simčić, uime Eko plana Mostar.

U raspravi su učestvovali Đuro Prkačin i Vjekoslava Sanković-Simčić.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 33 glasa za, uz šest glasova protiv i uz jedan uzdržani glas, usvojio sljedeći:

### **ZAKLJUČAK**

1. Dom naroda Parlamenta Federacije Bosne i Hercegovine prihvaća Nacrt Regulacijskog plana historijskog gradskog područja Počitelj za period 2008. – 2018. godina i smatra da može poslužiti kao osnov za izradu prijedloga Regulacijskog plana.
2. Zadužuje se Vlada Federacije da organizira i provede javnu raspravu u trajanju 60 dana.
3. Zadužuje se Vlada Federacije da prilikom izrade prijedloga Regulacijskog plana ima u vidu primjedbe, prijedloge i sugestije iznesene na sjednici kao i one iznesene u javnoj raspravi.

## **9. Prijedlog Odluke o utvrđivanju programa provođenja statističkih istraživanja od interesa za Federaciju Bosne i Hercegovine za period 2013. - 2016. godina**

Prijedlog Odluke utvrdila je Vlada Federacije.

Predstavnički dom je na nastavku 23. sjednice od 30.10.2013. godine donio Odluku o utvrđivanju programa provođenja statističkih istraživanja od interesa za Federaciju Bosne i Hercegovine za period 2013. - 2016. godina.

Odluku su razmatrala nadležna radna tijela i dostavila izvještaje.

Odluku je obrazložila Munira Zahiragić, predstavnica Federalnog zavoda za statistiku.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 37 glasova za i uz tri uzdržana glasa, donio Odluku o utvrđivanju programa provođenja statističkih istraživanja od interesa za Federaciju Bosne i Hercegovine za period 2013. - 2016. godina.

## **10. Izvještaj o radu Nadzornog odbora Federalnog zavoda za penzijsko i invalidsko osiguranje za 2011. godinu**

Nadzorni odbor Federalnog zavoda za penzijsko i invalidsko osiguranje je dostavio Parlamentu Federacije Izvještaj o svom radu za 2011. godinu radi razmatranja i prihvatanja.

Predstavnički dom je na 23. sjednici od 30.10.2013. godine prihvatio izvještaj o radu Nadzornog odbora Federalnog zavoda za penzijsko i invalidsko osiguranje za 2011. godinu

Izvještaj su razmatrala nadležna radna tijela i dostavila izvještaje.

U ime Odbora za ekonomsku i razvojnu politiku, finansije i budžet izvještaj je obrazložio Senahid Šaković, koji je pročitao zaključke koje je Odbor predložio Domu naroda.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 33 glasa za i uz tri uzdržana glasa, prihvatio izvještaj o radu Nadzornog odbora Federalnog zavoda za penziono i invalidsko osiguranje za 2011. godinu i, na prijedlog Odbora za ekonomsku i razvojnu politiku, finansije i budžet, usvojio sljedeće:

### **ZAKLJUČKE**

1. Zadužuje se Vlada Federacije Bosne i Hercegovine da u najkraćem mogućem vremenu imenuje nadzorni odbor kako bi se funkcionalno unaprijedio rad Federalnog zavoda za penziono i invalidsko osiguranje.
2. Nalaže se Vladi Federacije Bosne i Hercegovine da putem Federalnog ministarstva finansija utiče na rad Porezne uprave i Agencije za bankarstvo u Federaciji Bosne i Hercegovine kako bi se dosljedno primijenjivali postojeći zakoni iz ove oblasti i time poboljšala suštinska kontrola isplate plaća i uplate doprinosa.

## **11. Statut Zavoda za javno zdravstvo Federacije Bosne i Hercegovine**

Statut Zavoda za javno zdravstvo prihvatila je Vlada Federacije i dostavila Parlamentu Federacije radi razmatranja i davanja saglasnosti

Predstavnički dom je na 23. sjednici od 30.10.2013. godine donio Odluku o davanju saglasnosti na Statut Zavoda za javno zdravstvo Federacije Bosne i Hercegovine.

Statut su razmatrala nadležna radna tijela i dostavila izvještaje.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 42 glasa za i uz jedan uzdržani glas, donio Odluku o davanju saglasnosti na Statut Zavoda za javno zdravstvo Federacije Bosne i Hercegovine.

Potom je predsjedavanje sjednicom preuzeo Jasmin Smailbegović, potpredsjedavajući Doma naroda.

## **12. Izbori i imenovanja:**

### **a) Prijedlog Odluke o razrješenju predsjedavajućeg Doma naroda Parlamenta Federacije Bosne i Hercegovine**

Predsjedavajući Doma naroda Radoje Vidović podnio je ostavku na mjesto predsjedavajućeg Doma i mjesto delegata u Domu naroda zbog izbora na mjesto načelnika Općine Kreševo.

Komisija za izbor i imenovanja razmatrala je ostavku i sačinila izvještaj i prijedlog odluke o razrješenju.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 42 glasa za, uz dva glasa protiv i uz jedan uzdržani glas, donio Odluku o razrješenju Radoje Vidovića sa dužnosti predsjedavajućeg Doma naroda Parlamenta Federacije Bosne i Hercegovine.

Potpredsjedavajući Doma naroda Jasmin Smailbegović je u svoje i u ime Doma naroda zahvalio Radoju Vidoviću na korektnom vođenju Doma naroda.

Nakon toga se Radoje Vidović obratio Domu naroda i zahvalio svima na dobroj saradnji.

Potom su se predsjednici klubova naroda zahvalili Radoju Vidoviću i zaželili mu puno uspjeha u budućem radu.

### **b) Prijedlog Odluke o izboru predsjedavajućeg Doma naroda Parlamenta Federacije Bosne i Hercegovine**

Na osnovu člana 35. Poslovnika o radu Doma naroda Parlamenta Federacije Bosne i Hercegovine Klub delegata hrvatskog naroda podnio je prijedlog kojim je Tomislav Martinović predložen za predsjedavajućeg Doma naroda.

Komisija za izbor i imenovanja razmatrala je ovaj prijedlog i sačinila izvještaj i prijedlog odluke.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 40 glasova za, uz jedan glas protiv i uz dva uzdržana glasa, donio Odluku o izboru predsjedavajućeg Doma naroda Parlamenta Federacije Bosne i Hercegovine, kojom je za predsjedavajućeg Doma naroda Parlamenta Federacije Bosne i Hercegovine izabran **Tomislav Martinović** iz reda hrvatskog naroda.

Potpredsjedavajući Doma naroda Jasmin Smailbegović je u svoje i u ime Doma naroda čestitao **Tomislavu Martinoviću** na izboru i pozvao ga da preuzme vođenje sjednicom.

**Nakon toga se Tomislav Martinović zahvalio delegatima Doma naroda na izboru i preuzeo predsjedavanje sjednicom.**

**c) Prijedlog Odluke o izboru potpredsjedavajućeg Doma naroda Parlamenta Federacije Bosne i Hercegovine**

Na sjednici Kluba delegata srpskog naroda, održanoj 24.10.2013. godine, Klub je odlučio predložiti Vesnu Saradžić za potpredsjedavajuću Doma naroda Parlamenta Federacije Bosne i Hercegovine iz reda srpskog naroda.

Komisija za izbor i imenovanja razmatrala je ovaj prijedlog i sačinila izvještaj.

U raspravi o Prijedlogu odluke su učestvovali: Slaviša Mihajlović, Amir Zukić i Drago Puzigaća.

Nakon toga se glasalo o Prijedlogu Odluke o izboru potpredsjedavajućeg Doma naroda iz reda srpskog naroda.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 30 glasova za, uz četiri glasa protiv i uz osam uzdržanih glasova, donio Odluku o izboru potpredsjedavajuće Doma naroda Parlamenta Federacije Bosne i Hercegovine, kojom je za potpredsjedavajuću Doma naroda Parlamenta Federacije Bosne i Hercegovine izabrana **Vesna Saradžić** iz reda srpskog naroda.

Potpredsjedavajuća Doma naroda Vesna Saradžić zahvalila je na izboru.

U ime Doma naroda potpredsjedavajućoj je čestitao predsjedavajući Doma naroda Tomislav Martinović i završio sjednicu.

Sjednica je završena u 14.50.

Transkript sjednice čine sastavni dio Zapisnika.

SEKRETAR

Izmir Hadžić

PREDSJEDAVALAČI

Tomislav Martinović